

皇朝藩屬輿地叢書

皇朝詩林卷之四

皇朝藩屬
輿地叢書

第五集

東北邊防輯要

二卷

東三省輿地圖說

一卷

滇緬劃界圖說

平定羅刹方略

一卷

至元征緬錄

一卷

元朝秘史注

十五卷

附條陳十六事

查看俄員勘辦鐵路原

東北邊防輯要

癸卯年孟夏之月
文瑞廬重校上石

東北邊防輯要序

咸豐八年刑部主事何秋濤進

呈所纂書籍八十卷

文宗顯皇帝垂覽賜名朔方備乘其書於中俄交界及俄國古今疆域無不條分縷晰誠如

聖諭所謂制度沿革山川形勢考據詳明者也顧其時東南多事俄人乘隙窺我東北尚有康熙二十八年尼布楚城定議界碑足嚴中俄之限故其書於東北邊界特由安巴格爾必齊河源外興安嶺東抵海凡中俄分屬山河不憚詳述今則疆界已殊情形不同矣奉天吉林黑龍江三省皆有邊防要圖廷杰不揣謏陋參考羣書卽其有關於時務者輯爲千篇凡所依據或因文義不便稱引遂從減省其附己意以爲說爲考者則以廷杰謹案別之非敢掠美也但期便於觀覽有裨實用耳若夫北徼全境事蹟則朔方備乘全書具在茲固無庸置議矣

光緒十一年歲在乙酉莫春之初楚北曹廷杰序於吉林防次

盛京險要考

廷杰謹考

盛京北極高四十一度五十一分三十秒偏東七度一十二分東距興京二百七十里首府曰奉天 興京北舊有新城晉咸康五年慕容皝擊高句麗兵及

新城高句麗乞盟乃還興京界內又有南蘇城晉永和五年燕王皝使慕容恪

攻高句麗拔南蘇置戍而還又有木底城晉義熙初慕容皝攻高句麗木底

城不克案木底城在今復州東高麗之南道也晉慕容皝擊高句麗高句麗有

二道其北道平闊南道險狹慕容翰曰彼以常情料之必謂大軍從北道當重

北而輕南今以銳兵從南道擊之出其不意丸都不足取也別遣偏師從北道

縱有蹉跌其腹心已潰四支無能爲矣皝從之奉天府東五百六十里爲鴨綠

江漢志注元菟郡西廷杰案元菟郡即今高麗平安道蓋馬縣有馬警水西南至遼東郡廷杰按漢

遼東郡即今遼陽州西安平縣廷杰按漢西安平故城在今遼陽州城東入海過郡二行一千一百里郡二元

菟遼東也新唐書馬警水出靺鞨長白山色若鴨頭號鴨綠水唐貞觀十九年

程名振等拔卑沙城遣將耀兵於鴨綠水又龍朔元年契苾何力討高麗高麗守鴨綠水不得濟何力乘冰堅渡水大破之乾封二年李勣伐高麗管記元萬頃檄文曰不知守鴨綠之險高麗報曰謹聞命矣卽移兵拒守唐兵不得渡府東南三百五十里鳳凰城其相近有鳳凰山山上有壘石古城可屯十萬衆相傳唐太宗征高麗駐蹕於此又東南海中有西彌島明天啟中毛文龍言西彌島相連有三山周廣二百餘里中雲從山前西彌島後珍珠島與朝鮮國境鐵山城相近陸路則八十里水程僅三十里西彌大路至朝鮮之義州百六十里鐵山水路如之義州與鎮江相對止三四十里鎮江去遼陽三百六十里按三山島在復州南海中天啟中毛文龍言三山島在旅順東三百里從島可以入旅順旅順者登萊朝鮮水路津要也復州東七百餘里又有皮島地形廣衍有險可恃天啟中毛文龍屯駐於此其東北爲僧福島又東北卽朝鮮東境之鐵山矣復州南二十里有南關島天啟中守將張盤議開河斷南關島以守衛城卽此奉天南一百四十里爲海城縣境內有沙卑城亦曰卑沙城高麗所築

石爲城幅員九里或譌卑奢城自登萊海道趨高麗之平壤必先出此隋太業

十年來護兒出海道至卑奢城敗高麗兵將趨平壤高麗懼而請降

今通遼州南東西二高麗城是唐程名振等拔海城縣西北有渤鍇水唐貞觀

十九年親征高麗攻安市城不克引還至遼東渡遼水遼澤泥淖不通命長孫

無忌剪草填道至蒲溝駐馬督填道諸軍渡渤鍇水暴風雪士卒沾溼多死者

蒲溝渤鍇水皆在遼澤中也

在今遼寧平縣東北又南一百二十里爲蓋平縣縣

南九十里有清泉山縣或曰卽泉山也唐咸亨二年高麗酋鉗弁尋叛立安舜

爲王詔討之破安市城又敗之於泉山卽此縣西十里海又西十里爲歸洲又

西南百十里曰輦子套波濤險惡不利行舟晉遣使者由海道致命於慕容皝

船下馬石津皆爲慕容仁所留時皝在棘城路由平郭始達也奉天府西南十

五里有首山山連海州衛界

延杰按海州衛卽今海城縣頂有平石泉出其中挹之不竭曹

魏景初二年司馬懿伐公孫淵潛濟遼水進至首山大破淵軍遂圍襄平是也

西百六十里遼水魏司馬懿伐公孫淵圍襄平會大霖雨遼水暴漲運船自遼口竟至城下平地水數尺隋伐高麗至遼水衆軍俱會臨水爲大陣高麗阻水拒守隋兵不得濟命宇文愷造浮橋二道於遼水西岸既成引橋趨東岸橋短丈餘士卒赴水接戰高麗乘高擊之爲所敗乃引橋復就西岸命何稠接橋二日而成諸軍進戰於東岸高麗大敗明年復渡遼攻遼東城未克會楊元感作亂引還唐貞觀十八年遣營州都督張儉等討高麗值遼水漲儉等久不得濟既而車駕至遼澤泥淖三百餘里人馬不可通詔閻立德布土作橋軍不留行既濟卽撤之以堅士卒之心及師還以遼澤泥淖遣長孫無忌將萬人剪草填道水深處以車爲梁而渡今遼地遇雨則多淖蓋天設之險矣

延杰按遼水即遼河今稱巨流

河其源雨澤雖行自古爲然今巨流河四十四里有柳樹河溝張落無常每漲時不必遇雨竟至平地水深數尺人馬不可通眞奇險也土人謂河神爲鱓魚精或於一年中數易河道遼河至海城縣西南五十五里謂之三岔河當東西往來之衝

亦謂之遼澤或謂之黃水晉慕容仁舉兵平郭襲慕容皝於棘城至黃水知事

露乃還據平郊卽此

延杰按平郊故城在今遼寧省錦州府義州西北

奉天府西二百餘里爲

錦州府屬之廣甯縣縣北塞外有蒺藜山遼主延禧以金人取東京募遼東人

爲兵使報怨號曰怨軍命耶律淳將之屯於蒺藜山旣而金將幹魯古等與淳

戰淳走金人追至河里真陂遂拔顯州於是乾懿諸州皆降於金

通鑑卷一百一十五遼史地志東京道

遼陽府即今遼陽州顯州在今廣甯東界乾州在顯州東

南諸州在顯州東北則河里真陂亦當在今廣甯界也謹案以上各條皆往

事之涉於兵法可爲前鑒者今鳳凰城居高麗之衝牛莊城爲海道之門柔遠

通商誠熙朝之盛事據險扼要卽邊域之良圖再鴨綠一江爲高麗分界其

發源處距圖們江源不遠對高麗謝山茂山二城之間查由謝山西至小辰城

再向西行至該諸爾河折而西南入平安道

平安道在遼陽東南

由小辰城向東南行踰

嶺入咸鏡道北青地方山茂山東北行至會甯再向東北卽至穩城與琿春毘

連沿圖們江東南抵海濱折而西南入咸鏡道由會甯東南踰嶺亦入咸鏡道

鏡城地方俱有驛路可通是此處實南扼高麗之咽喉東截踰圖們江入高麗

之要道與旅順口爲登萊朝鮮水路津要皆籌審陽者所當思患而預防也若

夫山海關爲畿輔重鎮西北邊牆各門藉蒙古吉林以爲藩籬則固無與於

邊防矣

朝鮮沿革及形勢攷

延杰謹按朝鮮爲箕子封國秦屬遼東外徼漢初燕人衛滿據其地武帝定朝

鮮爲真番臨屯樂浪元菟四郡昭帝并爲樂浪元菟二郡漢末爲公孫度所據
傳至孫淵魏滅之晉永嘉末陷入高麗高麗本扶餘別種其王高璉居平壤城
卽樂浪郡地唐征高麗拔平壤置安東都護府其國東徙在鴨綠水東南千餘
里五代唐時王建代高氏闢地益廣並古新羅百濟而爲一遷都松岳以平壤
爲西京其後子孫遣使朝貢於宋亦朝貢遼金歷四百餘年未始易姓元至元
中西京內屬置東寧路總管府畫慈悲嶺爲界明洪武二年其主王顥表賀卽
位賜以金印誥命封高麗國王二十五年其主瑤昏迷衆推門下侍郎李成桂
主國事詔從之成桂更名旦徙居漢城卽今高麗都城遣使請改國號詔更號朝鮮神
宗時國王李昖縱酒倭人關白稱兵八道盡沒進窺鴨綠李昖與陪臣尹根壽
等遁居義州明提督李如松恢復平壤李如柏進拓開城四道復平尋關白病
亡諸倭解散國乃獲安 本朝崇德初列爲外藩國王李倬効 命唯謹至今二

百餘載奉正朔通朝貢罔敢諱其建置沿革如此至該國形勢綿亘渤海中

南北四千餘里東西寬或一千二百餘里狹亦五六百里屏蔽海氛擁衛畿甸

是天設之險以貽東隅磐石之安其要害可知已查該國向分八道

京畿道西
北黃海道

平安道東北咸鏡道正東江原道
正南忠清道全羅道東南慶尙道

三面瀕海東海一面礁石甚多並無寬闊海

口海舟從來不犯西海一面亦賴全羅西北各島錯峙海中海道紆迴帆檣難

騁惟南面釜山熊川等處係全羅慶尙二道最大海口爲該國喫緊要害若光

陽求禮雲峯南原諸險有兵防守則全羅不能入高靈大邱善山諸險有兵防

守則慶尙不能犯近日京畿道仁川地方亦爲海道門戶然守之尙易於全慶

也至西北咸鏡平安二道與盛京吉林分據鴨綠圖們之險由平安道鐵山

義州渡鴨綠江入鳳皇門爲該國朝貢要路卽爲瀋陽邊防所關由咸鏡道北

青地方西北抵小辰城鏡城地方東北抵會甯皆有孔道謹攷魏母邱儉討高

麗絕沃沮千餘里到肅慎南界宋端拱時契丹寇擾高麗元太祖時契丹人六

哥等竄入高麗攻據江東應者由咸鏡道入也我

朝崇德二年正月

太宗

文皇帝於朝鮮軍營遣外藩科爾沁扎薩特敖漢奈曼諸部兵出朝鮮咸鏡道
往征瓦爾喀道出會寧擊敗朝鮮平壤巡撫兵二千人餘兵悉降五月十九日
至烏拉地方遣還蒙古十六旗兵此由咸鏡道至吉林烏拉也崇德四年 諭
薩爾糾等往瓦爾喀收其餘黨曰爾等可於拉發地方牧馬前進往返勿擾朝
鮮境地謹按拉發河在吉林東南百餘里此由吉林入咸鏡道也由是觀之則咸鏡道之險要
實挾該國建瓴之勢况今日圖們以東又有強鄰逼處哉